



Sarajevo, 16.12.2024.godine

**KOLEGIJU PREDSTAVNIČKOG DOMA  
PARLAMENTARNE SKUPŠTINE BiH**

n/r članova Kolegija

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 16-12-2024			
Organizaciona jedinica	Klasifikaciona oznaka	Službeni broj	Broj priloga
01-	50-1-	2533	1/24

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH", br.: 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), podnosim poslaničku

**INICIJATIVU**

kojom se zadužuje Vijeće ministara Bosne i Hercegovine da prilikom izrade Zakona o budžetu institucija i međunarodnih obaveza Bosne i Hercegovine za 2025.godinu i svim narednim godinama predvidi sredstva u iznosu od 0.01% ukupnog budžeta za pružanje pomoći entitetima i Brčko Distriktu BiH u slučajevima prirodnih nesreća.

Obrazloženje:

Elementarne nepogode, poput poplava, zemljotresa, suša, klizišta i drugih prirodnih katastrofa, predstavljaju značajan rizik za život i imovinu građana Bosne i Hercegovine i one ne pogađaju samo živote i imovinu, već izazivaju dugoročne ekonomske, društvene i ekološke posljedice. Štete koje ove nepogode uzrokuju često premašuju kapacitete lokalnih zajednica, a proces sanacije i obnove zahtijeva koordiniranu podršku svih nivoa vlasti.

Inicijativa za izdvajanje sredstava u slučaju prirodnih nesreća ima za cilj da osigura brzu i efikasnu reakciju na ovakve događaje, minimizira štetu i pruži podršku ugroženim zajednicama. Unaprijed smišljena reakcija je finansijski isplativija nego ad hoc prikupljanje sredstava kada se nesreća već dogodi. Obzirom da prirodne nesreće izazivaju masovne selidbe, nezaposlenost i siromaštvo, dostupnost sredstava pomaže da se što prije obnovi infrastruktura, poljoprivreda, i industrija, čime se smanjuju negativni efekti na zajednicu čime se povećava povjerenje građana, jer se jasno definišu pravila o korištenju i namjeni tih resursa.

Ova inicijativa ima za cilj osiguranje systemske podrške za pružanje pomoći entitetima i Brčko Distriktu BiH u slučajevima prirodnih nesreća čime bi se pružila pomoć građanima, zaštitila imovina i osigurala brza obnova u slučaju nesreća.

Poslanica SDP BiH  
Rejhana Dervišević